



Aningaasanut Nunanullu Allanut Naalakkersuisoq

Pineqartoq: Nuussinissanut sillimmatit qaffanneqarnissaat, kiisalu suliani naammassisani atuinikinnerunerup kingnerisaanik suliassamik nutaamik aallartitsineq. - Suliaq nr. 01.31.06/06-00173.

Naalakkersuisut inassutigaaat

- kontomut pingaarnermut 80.00.10-mut, Sanaartugassanut Iluarsagassanullu Aningaasaateqarfimmit nuutat, aningaasaliissutit **-8.305.000** kr.-inik appartinneqassasut, kontomi pingaarnermi 81.41.72 Immikkoortumut pilersaarut, suliassamut nr. 100.31.016 Illup silataata iigaanik iluarsartuussineq, GU, Aasiaat, illup silataata qalliutaannik iluarsaassinermut aningaasaliissutit **-3.188.000** kr.-inik, kontomi pingaarnermi 84.40.09 Inuussutissarsiutitigut ilinniartitaaneq, suliassamut nr. 060.51.008 Niuernermik Ilinniarfiup allilerneqarnera, aningaasaliissutit **-1.942.000** kr.-inik, kontomi pingaarnermi 84.40.10 Kommunini atuarfiit, suliassamut nr. 998.50.076 Nunaqarfinni atuarfiit, nalunaarsuineq, aningaasaliissutit **-273.000** kr.-inik, kontomi pingaarnermi 86.60.01 Peqqinnissaqarfik, suliassamut nr. 184.49.034 Nunaqarfimmi nakorsiartarfik, Kulusuk, ani-ngaasaliissutit **-523.000** kr.-inik, kontomi pingaarnermi 87.71.37 Nukissiorfiit, tapiissutitut aningaasaliissutit, aningaasaliissutit **-1.213.000** kr.-inik, suliassamut nr. 024.97.080 Erngup aqqutaanik taarsersuineq, Qassimiut, -107.000 kr.-inik, suliassamut nr. 098.97.029 Innaallagissiorfennik iluarsartuussineq, Ikerasaarsuk, -87.000 kr.-inik, suliassamut nr. 998.20.040 Suliassat annikinnerusut assigiinngitsut, innaallagialaq, 2003, -167.000 kr.-inik, suliassamut nr. 998.20.042 Suliassat annikinnerusut assigiinngitsut, innaallagialaq, 2004, -64.000 kr.-inik, suliassamut nr. 998.21.072 Suliassat annikinnerusut assigiinngitsut, imeq, 2003, -253.000 kr.-inik, suliassamut nr. 998.97.050 Suliassat annikinnerusut assigiinngitsut, innaallagialaq, 2003, -360.000 kr.-inik, aamma suliassamut nr. 998.97.052 Suliassat annikinnerusut assigiinngitsut, imeq, 2003, -175.000 kr.-inik agguarlugit, kontomi pingaarnermi 89.71.40 Nukissiorfiit, aningaasaliissutit **-1.166.000** kr.-inik, suliassamut nr. 999.16.014 Suliassat annikinnerusut assigiinngitsut, innaallagissiorfiit, -74.000 kr.-inik, suliassamut nr. 999.17.014 Suliassat annikinnerusut assigiinngitsut, imeq, -822.000 kr.-inik, aamma suliassamut nr. 999.99.009 Suliassat annikinnerusut assigiinngitsut, innaallagissiorfiit, -270.000 kr.-inik appartinneqarnerisa kingunerisaanik.
- kontomi pingaarnermi 84.40.10 Kommunini atuarfiit, suliassamut nr. 998.50.099 Nunaqarfinni atuarfiit qanoq issusiinik nalunaarsuineq, aningaasaliissutit **2.700.000** kr.-inik qaffanneqassasut.

- kontomi pingaarnermi 86.60.01-imi, Peqqinnissaqarfik, suliassamut nr. 190.47.013 Napparsimmavik, Ittoqqortoormiit, aningaasaliissutit **-67.000** kr.-inik appartinneqassasut.
- kontomi pingaarnermi 80.00.01-imi, Nuussinissanut sillimmatit, aningaasaliissutit **5.672.000** kr.-inik qaffanneqassasut.

Aningaasaqarnermut Ataatsimiititaliap oqaaseqaatai

Suliniutit qinnuteqaammut tunngasut ilaat pillugit qulaajaasuusumik apeqquteqarnissaq pisariaqartoq ataatsimiititaliap isummiuppaa.

Pingaartumik konto pingaarneq 81.41.72 Immikkoortumut pilersaarut, Illup silataata qalliutaannik iluarsaassinermut tunngasoq:

”GTO-p kollegiaanik” iluarsartuussineq unitsinneqassaaq, Aasiaat kommuniat nammineerluni ilinniartunut inissianik sanasussanngormat. 3.188.000 kr.-it utertinneqarnissaat qinnutigineqarpoq:

Apeqqut 1:

Suliap matuma ingerlasimanera ersarissarneqassasoq ataatsimiititaliap kissaatigaa. 2004-imi aningaasaliissutit 3,5 mio. kr.-iusut ukiut marluk qaanngiutereerneranni utertinneqarnissaat kissaatigineqarmat ataatsimiititaliamit tupigusuutigineqarpoq. Taamaattumik suliap ingerlasimanerani ataqatigiinnerit Aasiaallu kommunianni ilinniatut ineqarniarnerata inernera ataatsimiititaliamit nassuiaateqarfigeqquneqarput.

Ataatsimiititaliap 2006-imi aningaasanut inatsisissatut siunnersuummik suliarinninneranut atatillugu Naalakkersuisut ilisimatitsissutigaaq, tamanna paatsuinermik patsiseqarsimassasoq Naalakkersuisullu Aasianni ilinniartut inaasa sananeqarnissaannut aningaaliissuteqarniannigitsut. Namminersortumit ilinniartut ineqarfiliorsinnaaneq, najukkami suliffeqarfiutillip ilinniartut ineqarfigisinnaasassaattut neqeroorutigisimasaa pillugu Aasiaat kommuniat Naalakkersuisunit oqaloqatigineqarsimasoq ataatsimiititaliamit aamma paasineqarpoq. Kiisalu Aasiaat kommuniata tungaanit aalajangersimasumik saqqummiussisoqarnissaa Naalakkersuisunit utaqqimaarneqarsimasoq.

Ataatsimiititaliap aamma tupigusuutigalugulu nassuiaateqarfigeqqugaluarpa, soq pisortat namminersortumit suliffeqarfiutilimmit attartussanersut ungasinnerusoq isigalugu nammineq piginnikkaanni akikinnerusussaammat.

Pingaartumik konto pingaarneq 84.40.10 Kommunini atuarfinnut tunngasoq (Utertitsineq):

Suliassamut Nunaqarfinni atuarfiit, nalunaarsuineq-mut aningaasaliissutit Upernaviup Kommuniani atuarfiit sisamat qanoq issusiinik nalunaarsuinnermut atorneqarput. Tamanna naatsorsuutigisamit akikinnerusimavoq, taamaattumillu atuinikinnerussutit 273.000 kr.-it utertinneqarnissaat qinnutigineqarpoq.

Apeqqut 2-1:

Atuarfiit sorliit sisamat qanoq issutsiminnik nalunaarsuiffigineqarsimanersut ataatsimiititaliamit ilisimatitsissutigineqarpoq.

Pingaartumik konto pingaarneq 84.40.10 Kommunini atuarfinnu tunngasoq (Aningaasaliissutit):

Suliassamik nutaamik 2,7 mio. kr.-inik aningaasaliiffigineqartumik pilersitsisoqarnissaa qinnutigineqarpoq, meeqqat atuarfiannut pilersaarummi 2007-imiit 2009-mut atuuttussami nunaqarfinni atuarfiit arlallit allilernerqartussaammata iluarsanneqartussaallutillu. Nunaqarfinni atuarfiit qanoq issusaannik nalunaarsuisoqarsiman-ngimmat angalanissanut, qanoq issutsinik nalunaarsuinissamut kiisalu nunaqarfiit atuarfiinut pilersaarusiornissamut aningaasaliissutissanik qinnuteqartoqarpoq.

Nunaqarfinni atuarfiit pineqartut ukunaniipput: Eqalugaarsuit, Qaarsut, Atammik, Upernavik Kujalleq, Itilleq, Iginniarfik, Saqqaq, Nuussuaq aamma Isortoq. (Aningaasaliissutit):

Apeqqu 2-2:

Aningaasaliissutit utertinneqartut qulaani taaneqartut suliament matumunnga atassuteqarnerat kiisalu Upernaviup kommuniani atuarfeqarnerup inissisimanagera eqqarsaatigalugu inernerusoq ataatsimiititaliamit nassuiaateqarfigeqquneqarput.

Apeqqu 3:

Suliat arlallit nutaanngitsuunerat ataatsimiititaliamit maluginiarneqarpoq. Nukissiorfiit eqqarsaatigalugit suliat 2002-meersuullutillu 2003-meersuupput. Suliat taakku nutaanngitsut sooq maanna aatsaat naammassineqarnersut ataatsimiititaliap Naalakkersuisunit nassuiaateqarfigeqqugaluarpaa.

Paasissutissat kissaatigineqartut **kingusinnerpaamik tallimanngornermi ulloq 14.07.2006-imi** tiguneqareersimasussanngorlugit Aningaasaqarnermut Ataatsimiititaliamut saam@gh.gl-imullu nassiateqquneqarput.

Aningaasaqarnermut Ataatsimiititaliap aalajangiinera

Tamanna tunngavigalugu Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Ellen Christoffersen
Aningaasaqarnermut Ataatsimiititaliap siulittaasua